



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-307-7/22**
Datum: **24.10.2022. godina**

«Agencija za vodno područje rijeke Save» Sarajevo rješavajući po zahtjevu pravnog lica KJKP „TOPLANE-SARAJEVO” d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda i ispuštanje oborinskih onečišćenih voda sa lokacije kotlovskog postrojenja u Kampusu Univerziteta u Sarajevu, ulica Zmaja od Bosne br.14, općina Novo Sarajevo na osnovu člana 200. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E

1. Odbija se zahtjev pravnog lica KJKP „TOPLANE-SARAJEVO” d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda i ispuštanje oborinskih onečišćenih voda sa lokacije kotlovskog postrojenja u Kampusu Univerziteta u Sarajevu, ulica Zmaja od Bosne br.14, općina Novo Sarajevo, instalisane snage 33.80 MW, obzirom da se tokom rada objekta kotlovnice ne pojavljuju aktivnosti za koje je propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, korisnik objekta dužan je da pribavi vodne akte od nadležnog organa.

O b r a z l o ž e n j e

Pravno lice, KJKP „TOPLANE-SARAJEVO” d.o.o. Sarajevo svojim zahtjevom se obratio ovoj Agenciji za ispuštanje tehnoloških otpadnih voda i ispuštanje oborinskih onečišćenih voda sa lokacije kotlovskog postrojenja u Kampusu Univerziteta u Sarajevu, ulica Zmaja od Bosne br.14, općina Novo Sarajevo, instalisane snage 33.80 MW.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 065-0-Reg-21-003145 od 06.09.2021. godine donesenog od strane Općinskog suda u Sarajevu;
- Ovjerena kopija Uvjerenja o poreznoj registraciji donesenog od strane Porezne uprave – Kantonalni ured Sarajevo, 27.06.2006.godine;
- Ovjerena kopija Obavještenja o razvrstavanju pravnog lica prema klasifikaciji djelatnosti – Služba za statistiku za područje kantona Sarajevo, 07-32.5-38184/12 od 24.09.2012. godine;

- Tehnološki opis izvedenog stanja kotlovskog postrojenja "Kampusu Univerziteta u Sarajevu", urađen od strane KJKP „TOPLANE-SARAJEVO“ d.o.o. Sarajevo, februar 2022. godine;
- Situacija – prikaz izvedenog stanja odvodnje otpadnih voda sa lokacije kotlovnice "Kampusu Univerziteta u Sarajevu";
- Kopija odgovora operatera vodovodnog i kanalizacionog sistema KJKP „Vodovod i kanalizacija“ d.o.o. Sarajevo broj: 6274/22 od 29.09.2022. godine da je predmetna kotlovnica priključena na javni vodovodni i kanalizacioni sistem;
- Izjava kojom se potvrđuje da kotlovnica u svome radu neće koristiti, skladištiti i prometovati tečnim naftnim gorivima, broj: 03-02-01-2868/22 od 13.06.2022. godine;
- Studija za izdavanje prethodne vodne saglasnosti za kotlovnice „KAMPUS“ urađena od strane „URBIS CENTAR“ d.o.o. Banjaluka, septembar 2022. godine;
- Dokaz o uplaćenju upravnoj pristojbi i administrativna taksa na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Razmatrajući predmetni zahtjev i priloženu dokumentaciju utvrđeno je, da je priložena sva dokumentacija propisana odredbama člana 12. i 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22).

U skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata dana 29.06.2022. godine izvršen je uviđaj na predmetnoj lokaciji, o čemu je sačinjen Zapisnik broj: UP-1/21-3-40-307-3/22.

Na osnovu dostavljene dokumentacije uz predmetni zahtjev i izvršenom uviđaju na predmetnoj lokaciji, utvrđeno je slijedeće:

Na osnovu uvida u dostavljenu dokumentaciju utvrđeno je slijedeće:

- Kotlovnica „KAMPUS“ instalisane snage 33.8 MW spada u kategoriju parno vrelovodnih kotlovnica smještene u ulici Zmaja od Bosne br.14, općina Novo Sarajevo.
- Kotlovnica je priključena na javni vodovodni i kanalizacioni sistem kojim upravlja JKP „ViK“ d.o.o. Sarajevo.
- Kao energent kotlovnica koristi prirodni gas kojim se snabdijeva preko prijemno regulacione stanice smještene pored kotlovnice.
- Kotlovnica „KAMPUS“ ne koristi alternativna goriva.
- Postrojenje je priključeno na gradsku vodovodnu i kanalizacionu mrežu.

Shodno odredbama člana 110. stav (3) Zakona o vodama («Službene novine Federacije BiH», broj 70/06) po kojoj vodni akti nisu potrebni za objekte i aktivnosti nakon kojih se nastale otpadne vode ispuštaju u javni kanalizacioni sistem, a prema odobrenju i uz uslove propisane od strane operatera kanalizacionog sistema, kao da nema ni ispuštanja oborinskih onečišćenih voda kako je to utvrđeno odredbama člana 3. tačka (s) i tačka (cc) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20), odnosno nema ispuštanja tehnoloških otpadnih voda u smislu odredbi člana 139. stav (1) Zakona o vodama, riješeno je kao u dispozitivu zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević B.Sc.ing.građ

Prilog:

- Studija za izdavanje prethodne vodne saglasnosti za kotlovnicu „KAMPUS“ urađena od strane „URBIS CENTAR“ d.o.o. Banjaluka, septembar 2022. godine.
- Tehnološki opis izvedenog stanja kotlovskog postrojenja "KAMPUS", urađen od strane KJKP „TOPLANE-SARAJEVO“ d.o.o. Sarajevo, februar 2022. godine.
- Situacija – prikaz izvedenog stanja odvodnje otpadnih voda sa lokacije kotlovnice "KAMPUS".

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.



Dostaviti:

- KJKP „TOPLANE-SARAJEVO“ d.o.o. Sarajevo, ul.Semira Frašte broj 22., 71000 Sarajevo
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava